

# Sandbu

gard og slekt



Knut Raastad, juni 2023



*Sandbusgardane ca. 1900. Foto frå Gunnar Gjesling Sandbo, Vågå historielags fotoarkiv.*

## Sandbusgardane i Vågå

På 1600-talet var det fem Sandbusgardar:

Uppigard Sør-Sandbu 5 huder var odelsgods/bondegods.

Nigard Sør-Sandbu 5 huder var odelsgoods/bondegods.

Uppigard Nord-Sandbu 4 huder tilhørde Vågåkyrkja fram til 1724.

Nordgard Nord-Sandbu 3 huder var herremannsgods, i 1719 var det bondeeeige.

Sy gard Nord-Sandbu 3 huder var krongods fram til 1730, frå 1667 vart garden brukt som offisersgard / kapteinsgard.

Sy gard vart i 1756 delt i to, nistugu og uppistugu på 1 ½ hud kvar. Uppistugu vart i 1836 samanslege med nordgard Sandbu. Gardstunet på sy gard nistugu vart flytta og er det som nå blir nemnd som Kræmar-Sandbu. I Norske gardsbuk står det at våningshuset er frå 1820 så flytjinga kan vera frå tida da krigsråd Molbech Lundh kom der i 1823.

Uppigard Nord-Sandbu vart i 1919 samanslege med nigard Sør-Sandbu og det vart bygd opp nytt gardstun nede på jordet nedanfor det gamle tunet på nigard. På oppigard nord står det att ei stugu ovanfor husa på nordgard, fleire hus vart flytta til det gamle tunet på nigard. Det gamle tunet på nigard, «Gammelgarden» vart frådelt i 1977.

Nigard Sør-Sandbu .....	side 4
Uppigard Sør-Sandbu .....	side 9
Sy gard Nord-Sandbu .....	side 14
Sy gard nord nistugu – Kræmar-Sandbu .....	side 15
Sy gard nord uppistugu .....	side 19
Nordgard Nord-Sandbu .....	side 22
Uppigard Nord-Sandbu .....	side 27



*Flyfoto frå 1964 viser til høgre det gamle tunet på oppigard og nigard Sør-Sandbu. Til venstre var det gamle Nord-Sandbu der husa på nordgard og ei stugu på oppigard er att. Der låg truleg også sygard.*

På 1970- og 1980-talet vart det samla opplysningar til gards- og slektshistorie ved avskrifter av tingbøker samt systematisering av familiar frå kyrkjebøker og folketeljingar. Dette er tilgjengeleg på Opplandsarkivet avd. Vågå i Ullinsvin. Ved å bruke dette samt digitale grunnbøker, folketeljingar og kyrkjebøker kan ein setja saman opplysningar for kvar gard. Tinglysingar og skifter er mest knytte til matrikulerte bruk og i tidleg tid var det ikkje mange husmannsplassar. Mange har gjort ein del arbeid med systematisering av slekter, nemnast kan Pål Øystein Kvarberg som skreiv om slekter i Vågå og Lom. Det andre har funne kan brukast i staden for å gå til primærkjelder.

Namn på plassar og personar kan ha hatt ulike skrivemåtar, og det er i denne framstillinga ikkje brukt noko konsekvent rettskriving. Alder og fødselsår kan i kjeldene vera oppgjeve berre omtrentleg, dette fører til at årstal ikkje alltid er nøyaktige og dette er ikkje alltid forsøkt sjekka mot andre kjelder. Ellers vil det vera ein god del manglar om personar, meir undersøkjing av kjelder vil gje meir informasjon. Det er ønskje om å få attendemelding om feil og manglar.



*Nigard Sør-Sandbu*

## **Sandbu, nigard sør**

Mnr./Lnr. 14/19. Gnr. 15 bnr. 1.

Steinar Sandbu betalte skatt av 2 huder i Sandbu i åra 1610 til 1624.

Koppskatten 1645 viser Amund som brukar av Sandbu. Amund Steinarsen Sandbu d.ca. 1660 var gift med Sønne Iversdotter upp. Sør-Sandbu d.ca.1677. Ved skifte i 1677 eigde Sønne 3 huder i nigard Sandbu (oppført på sonen i 1668). Amund og Sønne hadde 5 barn:

Iver f.ca.1636 d.ca.1695, neste brukar

Peder f.ca.1640 d.ca.1681, g.m. Kari Syversdtr. Håkenstad f.ca.1645 d.1683

Stener f.ca.1643 d.1695, g.m. Eldri Pedersdtr. Faukstad upp. f.ca.1650 d.1717

Barbro f.ca.1645 d.ca.1692, g.m. Tord Tordsen Bjølstad 1625-1680

Kari d.ca.1719, g.m. Ole Jonsen Sjørem f.ca.1649 d.ca.1704

Manntalet 1666 viser at nigard søre Sandbu var på 5 huder. Brukar var Iver Amundsen. Matrikkelen 1668 viser at Iver var eigar av 3 huder, Thor Bjølstad eigde 1 hud, Guttorm Grosberg 9 skinn og Jon Skjedsvold 3 skinn. Ivar Amudsen var gift med Guri Sjugurdsdotter Myrabø i Romsdalen, dei hadde ikkje barn.

Skoskatten 1711 viser Einer Sandboe med hustru og 5 barn. I 1727 var det skifte. Ener Siverson Hole n. Lesja var gift med Gunild Pedersdotter Håkenstad dotter til Peder Sandbu nig. sør f.ca.1640 d.1679 og Kari Syversdr. Håkenstad. Gunhild overtok dermed etter onkelen ved skift i 1696. Einer og Gunhild hadde 6 barn:

Peder f.ca.1687 d.1738, neste brukar

Kari, g.m. Hans Christophersen

Marit, g.m. Gulbrand Hansen Snerle s.

Sønne f.ca.1705

Siver f.ca.1707

Kari f.ca.1713, g.m. Siver Gulbrandsen Snerle 1710-1797

Peder Enersen Sør-Sandbu f.ca. 1687 d.1738 overtok med skjøte i 1727. Peder var gift med Marit Thorsdotter Romundgard f.1698 d.ca.1765 dotter til Tord Tostensen Romundgard og Ingeborg Poulsdr. Peder og Marit hadde 6 barn:

Ener 1729-1785, neste brukar

Tord f.ca.1729 d.1802, på Romundgard, seinare brukar

Imbiør f.ca.1731, ugift

Gunnild, g.m. John Larsen Arnekleiv

Ingri f.ca.1734, d.ca.1786, syskena arva

Kari, g.m. Ejner Larsen Holongsøyen

Ener overtok i 1764 Sandbu 5 huder med skjøte frå mora Marit for 1800 rd. inkl. lausøre, mora skulle ha føderåd. Skifte i 1785 viser at det var syskjena som ervde Ener som ikkje hadde barn.

Tord Romengaard overtok etter broren og fekk i 1788 skjøte på Sandbu 5 huder for 1831 rd. Tord Persen Romundgard f.ca.1729 d.1802 var gift med Rønnaug Jonsdotter Garmo u. 1749-1829 dotter til Jon Knutsen Storvik d.1774 og Rønnaug Engebretsdtr. Valde s. f.1723. Tord og Rønnaug hadde 8 barn:

Tosten f.ca.1768, neste brukar

Kari 1766-1792, g.m. Hans Hansen Snerle 1761-1799

Mari 1773-1869, seinare brukar

Tord 1776-1851, g.m. Ingrid Ivarsdr. Fellese 1776-1844

Pål f.ca.1781 d.før.1801

Ener f.ca.1786 d.1874, g.m. Giedsken Jensdr. Tronhuus 1784-1844. Til Smedsmo.

Jon 1789-1878, ugift

Peder f.ca.1794

Tosten Tordsen f.ca.1768 d.1825 fekk i 1794 skjøte på Sandbu frå faren for 1599 rd. Tosten var i 1801 gardbrukar. Han vart 1794 gift med Elie/Else Hansdotter Snerle f.ca.1765 d.1845 dotter til Hans Gudbrandsen Snerle s. 1723-1809 og Maren Johannesdr..

I 1823 makeskifta Tosten garden Sandbu mot Laurgaard. Ole Andersen Laurgaard 1773-1856 var gift med Mari Torsdotter Romundgard Sandbu 1773-1869 som var syster til Tosten.

Ole Andersen var son til Anders Olsen Laurgaard f.ca.1730 d.1811 og Marit Olsdtr. f.ca.1742 d.1821. Ole og Mari hadde 8 barn:

Anders 1796-1796

Anders 1799-1870, neste brukar

Imbjør f.1804, Paul Tordsen Olstad n. 1787-1868

Kari 1806-1896, g.m. Thor Andersen Sve 1799-1873

Thor 1808-1885, g.m. Ragnhild Olsdtr. Viste f.1818. Til Uleberg.

Mari 1812-1893, g.m. Iver Olsen Viste u. 1813-1854

Rønnaug, g.m. Jakob Aasaaren

Ole



*Nigard Sandbu*

Anders Olsen fekk skjøte på Sandbu i 1846 for 1200 spd og føderåd til foreldra. Anders Olsen Sandbu var gift med Guri Olsdotter Sandbu upp. sør 1806-1879 dotter til Ole Guttormsen f.ca.1751 d.1831 og Gunhild Jakobsdtr. Sandbu nordg. nord 1780-1842. Anders og Guri hadde 3 barn:

Torstein 1832-1891, neste brukar

Ola 1834-1909

Mari 1837-1912, g.m. Jørgen Pålson Ulheim, Dovre 1827-1887

Heimdalen vart frådelt i 1860 med kjøpekontrakt til landhandlar Thor Andersen Sve og Paul Haagenstad frå eigarane av både nigard Sandbu og oppigard sør Sandbu, kjøpesummen var

2500 spd. Kjøpekontrakta viser at både Anders og sonen Torstein var kontraktspartar for nigard Sandbu. Skjøte i 1874 var frå Anders Sandbus arvingar.

Torstein Andersen Sandbu 1832-1891 festa bort ein plass i 1882 og skreiv ut ein panteobligasjon i 1888, dette viser at han var eigar av nigard Sandbu etter at faren døydde i 1870. Men det ser ikkje ut til at det har vore tinglyst hjemmel, dermed kan det ha vore uskifta eige. Torstein var ugift, han hadde med Marit Jakobsdtr. Sandbu n-n 1844-1919 1 barn:  
Guri 1864-1928, g.m. Hans Kjenseth, Biri 1860-1930

Ole Andersen 1834-1909 overtok truleg Sandbu etter at broren Torstein døydde i 1891.

I 1910 var det skjøte på Sandbu frå skifteforvaltar i Ole Andersen Sandbus dødsbu til Knut Flatmo for kr 23600,- og lausøyre kr 1400,-, herav pant i eigedommen for kr 18000,-, samt føderåd til Anne Svelstad d.1922 verdsett til kr 1400,-. Knut Jakobsen Flatmo f.1862 på Sagflaten i Lom vart 1884 gift med Guri Erlandsdotter Råsbakken n, Lom f.1857. I 1880- og 90-åra var dei på Flatmo i Lia i Lom, i 1900 på Døsen i Fåberg. Etter Sandbu var dei på nordgard Valde og Lye. I 1910 vart Knut nemnd som gardbrukar og emisær.

Syster til Ole Andersen, Mari Andersdotter Sandbu 1837-1912 var gift med Jørgen Pålson Ulheim, Dovre 1827-1887, dei hadde 2 barn:

Marit f.1857 g.m. Tord Toresson Rødølen

Guri 1864-1943, g.m. Tor Pålson Snerle s. 1859-1914, på Ulheim.

Sonen Paul Torsen Ulheim 1893-1953 tok i 1911 att Sandbu på odel. Det går fram av panteboka i 1917 at kjøpesummen var kr 19000,- og at kjøparen vart nemnd som Paul Rusten, men dette var truleg Paul Ulheim for det var han som i 1911 leigde bort ei tomt. Paul som i 1911 var 18 år gammal hadde Sandbu i berre eitt år, i 1930 overtok han Ulheim.

Rolv Vaagaasar 1887-1937 overtok Sandbu i 1912 med kjøpesum kr 20500,-. Korkje Paul Ulheim eller Rolv Vaagaasar hadde tinglyst hjemmel. Rolv var son til Jon Rolvsen Geilo, Skjåk 1864-1949 og Juliane Halvorsdtr. Engjom 1862-1937. Rolv vart 1921 gift med Marit Hansdotter Sandbushaugen 1890-1958 dotter til Hans Sandbuhaugen og Marit Holen. Rolv og Marit kjøpte Fellese i 1923, dei hadde 3 barn.

I 1917 var det skjøte på Sandbu frå Knut Flatmo, vedteke av Paul Ulheim og Rolv Vaagaasar. Skjøtet var til dr. Ewald Bosse på Sandbu gnr. 15 bnr. 1 samt gnr. 16 bnr. 6 Sandbusvolden nørdrø for kr 40000,-. Kjøpekontrakta var mellom Rolv Vaagaasar og Bosse. I 1918 vart 15-1, 16-6 og 16-8 Uppigardsteigen (kjøpt frå oppigard i 1918) samanføyd til eitt bruk. Sandbusvolden sørø gnr. 15 bnr. 9 vart frådelt i 1917, dette var makeskifte med oppigard Sør-Sandbu mot gnr. 16 bnr. 6.

I 1919 var det skjøte frå dr. Ewald Bosse til kona Margit Bosse for kr 35000,-. Ho kjøpte same året oppigard Nord-Sandbu, og gardane vart dermed samanslege.



I 1920 var det skjøte frå Margit Bosse til skipsreder Fred Olsen for kr 150000,- samt lausøyre kr 125000,-. I denne tida vart det bygd nytt gardstun for gardsdrifta lenger nede på jordet.

I 1937 var det skjøte frå Fred Olsens arvingar til medarving Rudolf Olsen på denne eigedom og oppigard Nord-Sandbu gnr. 19 bnr. 1 for kr 57000,-.

Kjell Holm kjøpte Sandbu i 1941 av skipsreiar Rudolf Olsen, Oslo. Kjell Holm, Ålesund f.1919 var son til Aksel Holm 1890-1947 og Gunvor Sørensen, Fredrikstad 1897-1985. Skjøte frå Rudolf Olsen til Kjell Thalberg Holm for kr 150000,- er frå 1950.

**Gamlegarden Sandbu** gnr. 15 bnr. 27 vart utskild i 1977, og Kjell Holm heldt att dette. Kjell Erik Killi-Olsen f.1952 overtok i 2016.

Garden elles vart i 1978 seld til Lars Ole Anderssen, Brumunddal f.1954 son til Ole M Anderssen, Hamar f.1931 og Ruth Solheim f.1923. Lars Ole vart 1980 gift med Åse Marit Flittie, Lesja f.1955 dotter til Tronn Flittie f.1911 og Gunhild Kvisle, Sigdal f.1914. Lars Ole og Åse Marit har 4 barn:

- Kari Synnøve f.1982
- Ole Tronn f.1984, neste brukar
- Per Kristian f.1986
- Lars Erik f.1994

Ole Tronn Andersen overtok i 2016.

*Nigard Sandbu*



Kjelder:

Pål Øystein Kvarberg, 2000: Slektar i Vågå og Lom, slekten på Nigard Lunde, Fellese

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Digitalarkivet: panteregister, pantebok, folketeljningar mm.

Jakup Skjedsvoll: internplassering av opplysningar for Sandbu-gardar 1666-ca.1800

Gunnar Gjesling Sandbo: Nedteikningar på oppigard sør Sandbu

Jon Kolden, 2005: Bygdabok for Lom 3





*Uppigard Sør-Sandbu*

## **Sandbu, oppigard sør**

Mnr./Lnr. 15/20. Gnr. 16 bnr. 2.

Ivar Amundsen Sandbu f.ca.1544 d.ca.1634 betalte skatt av 5 huder i Sandbu i åra 1610 til 1625. Iver hadde 10 barn:

Kari f.ca.1573, g.m. Knut Olsen Kleppe n. 1590-1667

Anne f.ca.1591, g.m. Per Trondsen Valbjør f.ca.1580 d.etter 1672

Rønnaug f.ca.1594, g.m. Jakob Larsen Kvarberg n. f.ca.1575

Pål f.ca.1596 d.før 1664, g.m. Ingjerd Trondsdr. Valbjør f.ca.1595 d.før 1678. Harildstad.

Rønnaug d.y. f.ca.1598 d.1659, g.m. Jon Eriksen Helle f.ca.1585

Sigurd 1595-1675, g.m. Gunhild Trondsdr. Valbjør f.ca.1600 d.ca.1676. På Øy.

Mari f.ca.1605 d.før 1668, g.m. Ole Toresen Lunde 1596-1675

Ole f.ca.1610 d.ca.1692, neste brukar

Sønne d.ca.1677, g.m. Amund Steinarsen Sandbu nig. sør d.ca.1660.

Gunhild, gift til Sandbu på Fron

Manntalet 1666 viser oppigard Søre Sandbu på 5 huder og i tillegg ein engeplass på 8 skinn.

Brukaren var Ole Iversen. Ole vart også nemnd som brukar ved koppskatten i 1645.

Matrikkelen 1668 viser at brukaren Ole var eigar av 3 ½ huder av Sandbu, medan Synnøve

Sandbu på nigard eigde 1 hud 1 skinn, Syver Øy 2 skinn, Knut Holbø 1 skinn, Iver Tofte 1 skinn og Knut Raastad 1 skinn. Ola kjøpte i 1676 2 skinn av Sandbu av Gunhild på Øver-Øy som var enkje etter Syver. Ole var gift med Bergete Eriksdotter Andvord d.ca.1672 dotter til Eirik Gudbrandsen Andvord og Åse Nilsdtr. Busvoll, Romedal. Ole og Bergete hadde 3 barn:

Barbra, neste brukar

Kari, g.m. Iver Melby, Kvikne

Marit, g.m. John Kruke



*Uppigard Sør-Sandbu*

Barba d.ca. 1675 var gift med Guttorm Tordsen Bjølstad f.ca.1630 d.ca.1695 son til Tord Tordsen Bjølstad f.ca.1575 d.ca.1675 og Ingrid Olsdtr. Slette f.ca.1605 d.1672. Guttorm kjøpte i 1673 13 skinn i Sandbu av Lars på Øy, dette må vera det som Synnøve Sandbu eigde i 1668 (Lars var gift med Rønnaug Valbjør som var dotter til Anne Ivarsdtr. Sandbu). Guttorm og Barbro hadde 2 barn:

Iver 1671-1740, neste brukar

Thor, i 1724 var han så gammal at han gav seg inn til brorsonen Ole Iversen

Skoskatten 1711 nemner Iver Sandboe med hustru og 2 barn. Iver var gift med Mari Østensdotter Aaseng f.ca.1673 d.ca.1719 dotter til Østen Endresen Aaseng f.ca.1664 og Ragnhild Thorsdtr. Faulstad s. Ved skifte i 1719 hadde Iver og Mari odelsgoods i Sandbu samt Heimdalen fiskevatn 2 huder 3 ½ skinn. Ivar Guttormsen skifta i 1722 og fekk føderåd, han gifta seg på nytt. Iver og Mari hadde 2 barn:

Oluf f.ca.1694, neste brukar

Ingebor f.ca.1702

Ole kjøpte i 1721 1 hud 3 ½ skinn i Sandbu frå onkelen Tord Gutormsen. Matrikkelen 1723 viser at Ole Iversen var eigar av 3 ½ huder i Sandbu, medan Iver Melby eigde 1 hud 4 skinn, Iver Kruke 1 skinn og Iver Tofte 1 skinn. Ole kjøpte i 1724 1 hud 4 skinn og i 1725 2 skinn frå dei som truleg var arvingane etter medeigarane i 1723. Ole Ivarsen «Gjesling» Sandbu f.1695 d.etter.1755 var gift med Rønnaug Guttormsdotter Heringstad 1697-1765 dotter til Guttorm Olsen Angard, Dovre f.ca.1670 d.1722 og Marit Tordsdr. Bjølstad f.ca.1675 d.1713. Ole og Rønnaug hadde 6 barn:

Guttorm f.ca.1723 d.1810, neste brukar


Marit, f.ca.1727 d.før 1801, g.m. Erik Olsen Blessum n.

Mari f.ca.1727 d.1807, g.m. Christen Poulsen Bjørnstad n. 1723-1798

Iver 1731-1802, g.m. Marit Olsdr. Viste u. 1745-1833. På Viste u.

Amund f.ca.1732 d.ca.1782, g.m. Torø Larsdr. Stade s. f.1746

Kari f.ca.1736, g.m. Syver Skedsvoll



*Uppigard Sør-Sandbu*

Guttorm vart 1750 gift med Guri Hansdotter Tolstad 1726-1820 dotter til Hans Pålsen Tolstad 1695-1789 og Barbro Tordsdr. Bjølstad 1702-1785. Guttorm og Guri hadde 4 barn:

Ole 1751-1831, neste brukar

Hans 1766-1841, ugift

I 1784 var det skjøte frå Guttorm Olsen til Ole Guttormsen på Sandbu 5 huder for 1600 rd. Ole vart 1802 gift med Gunhild Jakobsdr. Sandbu nordg. nord 1780-1842 dotter til Jakob Danielsen 1749-1815 og Anne Syversdr. Sve 1754-1845. Ole og Gunhild hadde 5 barn:

Ymbjørg 1804-1860, g.m. Pål Tordsen Olstad 1787-1868  
Anne 1806-1807  
Guri 1806-1879, g.m. Anders Olsen Sandbu nig. sør 1799-1870  
Anne 1812-1885, g.m. Kristen Pålsen Bjørnstad n. 1796-1866  
Guttorm 1813-1874, neste brukar

I 1826 var det skjøte frå Ole Guttormsen til Guttorm Olsen på Sandbu 5 huder for 1000 spd. og føderåd. Guttorm var gift med Anne Simensdtr. Vigenstad Skeie f.ca.1815-1840 dotter til Simen dy. Torsteinsen Tofte f.1767 og Barbro Hansdtr. Angard. Guttorm og Anne hadde 1 barn:

Gunhild 1838-1912, g.m. Ola Hansen Angard 1837-1890.  
Guttorm vart gift på nytt med Guri Hansdotter Tolstad 1808-1856 dotter til Hans Pålsen Tolstad 1759-1841 og Mari Olsdtr. Slette 1768-1844. Guttorm og Guri hadde 4 barn:  
Mari 1843-1863  
Guri 1844-1920, ugift  
Olav 1846-1846  
Ola 1848-1934, neste brukar

Heimdalen vart frådelt i 1860 med kjøpekontrakt til landhandlar Thor Andersen Sve og Paul Haagenstad frå eigarane av både nigard Sandbu og oppigard sør Sandbu, kjøpesummen var 2500 spd. Kjøpekontrakta viser at Guttorm var kontraktspart for oppigard sør Sandbu. Skjøte i 1874 var også frå Guttorm Sandbu.

I 1861 var det skjøte frå Guttorm Olsen til Ole Guttormsen på Sandbu for 1800 spd. og føderåd. Ola vart 1875 gift med Kari Ivarsdotter Viste 1851-1938 dotter til Ivar Olsen Viste m. 1813-1854 og Mari Olsdtr. Sandbu nig. sør 1812-1893. Ola og Kari hadde 9 barn:

Guttorm 1876-1958, neste brukar  
Guri 1880-1946, g.m. Thor Pålsen Sve f.1867. Til USA.  
Mari 1883-1964, g.m. Johannes Rasmussen 1868-1954  
Ivar 1878-1926  
Jakob 1885-1968  
Gunhild 1887-1940  
Anne 1890-1977  
Kari 1892-1969  
Marit 1894-1965

I 1910 var det skjøte frå Ole Guttormsen Sandbu og hustru til sonen Guttorm Gjesling for kr 9750,- inkl. føderåd kr 2750,-. Guttorm vart 1909 gift med Gunhild Iversdotter Storvik n. 1876-1950, dei hadde 4 barn:

Olav f.1910, neste brukar  
Iver 1912-1913  
Iver f.1914, g.m. Eldri Thorkildsen f.1921  
Pål f.1919, g.m. Mary Justholet f.1923

Olav overtok Sandbu i 1950. Olav vart 1953 gift med Anne Skjellum 1911-1988 dotter til Per Skjellum og Mari Sørlien. Olav og Anne hadde 1 barn:

Gerd Marie f.1953

Gunnar Sandbo f.1943 overtok etter onkelen i 1991, Gunnar er son til Iver f.1914 og Eldri Thorkildsen f.1921. Gunnar vart 1965 gift med Liv Myrhaug f.1947 dotter til Knut Myrhaug f.1923 og Klara Kobbersletten f.1925. Gunnar og Liv har 2 barn:

Wenche f.1966, g.m. Oddmund Kveom

Finn f.1966, neste brukar

Finn er gift med Astrid Henny Brobakken, dei har 4 barn:

Rune f.1990

Stian f.1991

Even f.1992

Line f.1995

Kjelder:

Pål Øystein Kvarberg, 2000: Slekter i Vågå og Lom, slekten på Tolstad, Vabjør

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Digitalarkivet: panteregister, folketeljingar mm.

Jakup Skjedsvoll: internplassering av opplysningar for Sandbu-gardar 1666-ca.1800

Gunnar Gjesling Sandbo: Nedteikningar på oppigard sør Sandbu



*Sandbusgardane 1964, nede til venstre er Kræmar-Sandbu med Krokum innanfor vegen. Midt på til høgre er nygarden på nigard, medan dei gamle tuna på Sør-Sandbu og Nord-Sandbu er ovanfor øvst på bildet.*

## Sandbu sygard nord

Skattelister fyrst på 1600-talet viser at Engebret var brukar i 1611 og 1612.

I åra 1613 til 1625 var brukaren sonen Erik.

Koppskatten 1645 nemnde Bonde som brukar på ein av Sandbusgardane. Bonde betalte i 1645 pant i sølvlån. Skifte på Sandbu i 1660 og 1663 viser at Aase Olufsdotter d.ca.1663 var gift med Bonde Larsen d.ca.1658, dei hadde 6 barn:

- Oluf
- Ellij
- Eldrij
- Marit
- Rønne
- Ingeborg

Enkja betalte holding i 1658-1659. Aase vart gift på nytt med Siffer Siffersen. Han vart nemnd i jordebok i 1661. Manntalet 1666 viser at Sjugurd Sjugurdsen skulle flytja frå garden før 14. april i 1667.

Matrikkelen 1668 og matrikkelutkastet 1723 viser at Sandbu 3 huder tilhørde kongen. Garden var brukt som offisersgard / kapteinsgard. I 1666 var garden utlagt til fenriken Just Mogensen som skulle flytja til året etter. Just Mogensen Berg f.ca.1640 d.1678 kjøpte Olstad på Sel i 1671 og budde truleg der. Just hadd 4 barn:

- Anne d.1699, g.m. løytnant Isach Jespersen Besche 1652-1714
- Berthe
- Karen
- Jannichen

Kaptein Caspar Brunneck budde på Sandbu medan han var sjef for Vågske komp. 1684-1699. Caspar Georg Brunech 1655-1714, Tyskland var gift med Cathrine Margrethe Pedersdotter Montagne de Lilienskjold, dei hadde 4 barn bl.a.

- Elisabeth Catharina f.1695

Kaptein Ernst Ellie overtok på Sandbu 1702. Ernst var sjef for Nord-Gudbrandsdal kompani 1699-1709 og budde fyrst på Sørem. Ernst David Ely, København f.ca.1670 d.1750 var son til løytnant Diderik Ely. Ernst var gift med Christiane Juliane Judenhertzog, Tyskland.

Kaptein Kaas vart nemnd på Sandbu i 1722 og 1723. Lorentz Kaas lånte i 1730 800 rd. og det var kanskje da han kjøpte Sandbu frå staten. Kaas f.ca.1669 d.1732 var kaptein i Gudbrandsdalske kompani frå 1707 og frå 1718 sjef for øvre Gudbrandsdalske komp. Kaas vart 1695 gift med Anna Dorthea von Hadelen d.1729, dei hadde 8 barn:

- Reinhardt Friderich
- Mogens Christian



Knut Rudolph, neste brukar  
Johan Preben  
Casper Christopher  
Hans Eylert  
Jørgen Othe  
Anna Agatha

Knut Rudolf Kaas overtok truleg Sandbu på skifte etter faren i 1732. I 1734 lånte han 800 rd. Han gjord same året avtale om å selja garden, men kjøparen trekte seg. Kaas selde Sandbu i 1738. Kaas kjøpte seinare Sørem.

Jon Ivarsson frå Åseng kjøpte «nordre» Sandbu i 1738 frå Knut Rudolf Kaas. «Nordre» betyr truleg her Nord-Sandbu. Jon Iversen Fellese f.ca. 1701 var son til Iver Christensen Fellese 1665-1727 og Ingeborg Olsdtr. Storvik s. I 1732 forpakta Jon garden Åseng i Heidal for 11 år, ved overdraging av nordgard Sandbu i 1742 går det fram at Ola Sandbu som var svigerfaren da var på Åseng. Jon var gift med Mari Olsdotter Sandbu nordgard f.ca.1704 dotter til Ole Iversen Sandbu f.ca.1670 d.e.1744 og Kari Tordsdotter Bjølstad f.ca.1677 d.1719. Jon og Mari hadde 3 barn:

Iver 1738-1741  
Iver f.1745  
Imbjør f.1748

I 1756 selde Jon Ivarson halvparten av «søndre» (dvs. sygard) Sandbu) 1 ½ hud til korporal Peder Halvorsen Opsahl. Dermed vart garden delt. Peder Halvorsens del vart Sandbu sygard uppistugu. Delen som Jon Ivarsen hadde att vart nistugu.

Kjelder:

Pål Øystein Kvarberg, 2000: Slektar i Vågå og Lom, slekten på Tolstad  
Opplandsarkivet Vågå: familieark, avskrifter pantebøker mm.  
Digitalarkivet: panteregister, folketeljingar mm.  
Gunnar Ottosen, Jutulen 2017: Offiserer nevnt/bosatt i Vågå 1625-1882  
Arnfinn Engen 2011: Gards- og slektshistorie for Heidal bind 1  
Jakup Skjedsvoll: internplassering av opplysningar for Sandbu-gardar 1666-ca.1800

## **Sandbu sygard nord nistugu, Kræmar-Sandbu**

Mnr./Lnr. 16/21, gnr. 17 bnr. 1.

Etter at Jon Iversen i 1756 selde halve sygard Nord-Sandbu hadde han att den andre halvdelene som vart nistugu. I 1760 selde og skjøta Jon Iversen Sandbu også denne delen av garden sin søre Sandbu 1 ½ hud til Johannes Siverson Sve for 696 rd.

I 1764 var det skjøte på Sandbu 1 ½ hud frå Johannes Siverson Sve attende til Jon Iversen Sandbu for 780 rd. Same året lånte Jon Iversen 505 r. frå Syver Jonsen Sve mot pant i garden.

Jo Ivarson selde i 1771 (under tvang) med samtykke frå kona og sonen Ivar Jonsson søre Sandbu 1 ½ hud til kaptein Jonas Stabel for 1100 rd. I 1776 kjøpte Stabell ei eng frå Syver Sve som i uminnelege tider hadde tilhøyrd Sandbu og som i 1764 vart seld til Sve. Jonas Stabell 1720-1787 var son til løytnant Lars Stabell og Anne Christine Rosenberg. Stabell var sjef for Vågske komp. frå 1766, frå 1782 var han i Stangske komp. Stabell var ugift.



*Kræmar-Sandbu*

I 1790 var det auksjonsskjøte på Sandbu sygard nistugu 1 ½ hud til kaptein Falch for 751 rd. Frderich Otto Falch 1739-1815 vart 1773 gift med Inger Margrethe Pløyen dotter til sorenskrivar Pløyen.

Same året i 1790 var det skjøte frå kaptein Falch til Rasmus Johansen for 1452 rd. Rasmus Johansen f.ca.1770 var i 1801 gardbrukar. Rasmus Johannesen var truleg frå Sve, son til Johannes Syversen Sve 1739-1773 og Anne Rasmusdtr. Glimsdal 1739-1776. Rasmus var gift med Anne Larsdotter Jarmann 1771-1815 dotter til Lars Jarmann f.ca.1740 d.ca.1793 og Karen Margrethe Trondhus f.ca.1745. Rasmus og Anne hadde 6 barn:

Johannes f.ca.1795, neste brukar

Syver f.ca.1797

Karen f.ca.1800  
Anne f.ca.1804  
Lars f.ca.1807  
Johan f.ca.1811

I 1812 var det skjøte frå Rasmus Johannessen til Johannes Rasmussen for 1500 rd. Johannes var eigar av uppistugu Håmår frå 1823 til 1827.

I 1823 var det makeskifteskjøte frå Johnnes Rasmussen til Anders Trosdahl mot garden uppistugu Håmår. Lensmann Anders Trosdahl 1792-1854 vart nemnd som lensmann, i 1838 og 1842 som kontorbetjent. I åra 1818 til 1823 var han eigar av Håmår. Anders var gift med Christine Wang, og dei hadde mange barn.

Same året i 1823 var det skjøte frå Anders Trosdahl til krigsråd Lundh for 1000 spd. Andreas Molbech Lundh 1787-1867 var son til kapellan i Fron Peder Gregersen Lundh 1789-1827. Andreas var gift med Anne Marie Bjerregaard, Ringsaker 1793-1878 dotter til sorenskrivar Bjerregaard. Andreas og Anne Marie hadde 12 barn:

Peder Wilhem 1814-1814  
Mads 1815-1856, neste brukar  
Anne Marie 1817-1867  
Petter 1820-1886  
Sverre 1823-1855  
Alette 1825-1835  
Reidar 1827-1828  
Reidar f.1829-1888, g.m. Mari Olsdtr. Sandbu f.1836 d.etter 1891  
Barbra Margrethe 1831-1831  
Andrea 1832-1850  
Henrik 1833-1902  
Thorvald 1839-1891

I 1850 var det skjøte frå krigsråd Lundh til Mads Bjerregaard Lundh for 1200 rd.

I 1853 var det skjøte frå Mads Lundh til Tor Andersen Sve på Sandbu sørigard neristuen for 2000 spd. Thor Andersen Sve 1799-1873 var son til Anders Iversen Blessum s. 1753-1833 og Kari Tordsdtr. Harildstad 1766-1862. Thor vart 1836 gift med Kari Olsdtr. Sandbu s-n 1806-1896 dotter til Ole Andersen Laurgard f.ca.1772 og Mari Tordsdtr. Romundgard Sandbu s-n f.ca.1771 d.1869. Thor og Kari hadde 4 barn:

Anders 1836-1866, Harildstad  
Mari 1837-1895, g.m. Eardley John Blackwell 1831-1866, g.2.m. William Duppa Crotsch  
Kari 1839-1920, g.m. Ole August Valle, Fellese 1834-1907  
Marit 1841-1915, g.m. Hans Augustins Hysing Olsen 1837-1901

I 1886 stod Mr Crotsch som brukar. I 1900 budde sakfører Paul Nicolay Olsen 1867-1931 på Kræmar-Sandbu, han var son til Marit Sve 1841-1915 og Hans Augustins Hysing Olsen 1837-

1901. Paul vart 1894 gift med Dikka Holmboe 1868-1941 dotter til presten Iver Gerhard Holmboe f.1837 og Erasmie Johanne f.1837. Paul og Dikka hadde 4 barn:

Hans 1896-1959

Mina 1900-1999, g.m. Ludvik Jørgen Viken

Marit 1905-1987, g.m. Ivar Grev 1901-1988

Ragnhild f.1911, g.m. Christen Urbye 1905-1985

I 1918 var det skjøte på Kræmar-Sandbu frå sakkfører Paul N Olsen 1867-1931, vedteke av arvingane etter Thor Sve, til Pål K Ellingsbø 1863-1950. Pål var son til Christen Pålsen Ellingsbø f.1833 og Marit Pålsdr. Harildstad s. f.1840. Pål vart 1903 gift med Ragnhild Pålsdotter Harlaug 1874-1951 dotter til Pål Hansen Harlaug 1846-1925 og Marit Pedersdr. Heringstad 1849-1880. Pål og Ragnhild hadde 4 barn:

Kristen Ellingsbø 1903-1872, g.m. Beatha Iversdr. Lunde, Sørem 1903-1974. Til Aasgaard.

Marit f.1906, g.m. Adolf Schrammel, Wien i Østerrike

Pål 1908-1994

Magnhild f.1910, g.m. Harald Sannerud f.1917

I 1929 var det erklæring om at Kræmar-Sandbu var seld til Simen Aasgaard. Simen 1900-1987 var son til Ivar Aasgaard 1868-1953 og Mari Steine s 1867-1935. Simen vart 1932 gift med Kari Andvord, Austrem n. 1905-1990 dotter til Ole Paulsen <Andvord 1861-1918 og Anna Olsdr. Ekre, Heidal f.1876. Semon og Kari hadde 3 barn:

Ivar Magne f.1932, g.m. Anne Sønsterud, Fåberg f.1939. Til Austrem n.

Ola Arne f.1935, neste brukar

Mari f.1937

Ola Arne overtok etter faren i 1982. Han vart 1963 gift med Gunhild Vetleseter, Hattfjelldal f.1942 dotter til Jakob Vetleseter, Vågå f.1904 og Mary Gruben f.1917. Ola og Gunhild har 2 barn:

Steinar f.1966, neste brukar

Kristin f.1968, g.m. Einar Tønnessen

Kjelder:

Pål Øystein Kvarberg, 2000: Slektar i Vågå og Lom, slekten på Tolstad

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Digitalarkivet: panteregister, folketeljingar mm.

Gunnar Ottosen og Knut Raastad, Jutulen 2012: Bjerregaard og Lundh i Vågå

Gunnar Ottosen, Jutulen 2017: Offiserer nevnt/bosatt i Vågå 1625-1882

Arnfinn Engen 2011: Gards- og slekthistorie for Heidal bind 1

Jakup Skjedsvoll: internplassering av opplysningar for Sandbu-gardar 1666-ca.1800

## Sandbu, sygard nord uppistugu

Mnr./Lnr 16/22

Korporal Peder Halvorsen Opsahl kjøpte i 1756 halvparten av «søndre» (dvs. sygard» Sandbu) 1 ½ hud frå Jon Ivarson. Dermed vart garden delt, denne delen vart sygard uppistugu. Peder Halvorsen kjøpte i 1745 nordgard Holbø som han selde att i 1753. Han kjøpte Sveine i 1762. Peder Halvorsen f.ca.1712 var gift med Ragnhild Christensdotter Aasaaren f.ca.1720 d.1787. Peder og Ragnhild hadde 8 barn:

Kristen f.1742

Kristen f.1744

Ola f.1746

Kristen 1748-1787, g.m. Barbro Larsdtr. Andberg 1753-1809. Sveine og Staurustbakken.

Marit 1751-1835, g.m. Pedr Olsen Austrem n. 1768-1836. Veggum s.

Kristen f.1756

Rannei Marie 1756-1833, g.m. Trond Gunnarson Gaukstad 1748-1823. Vamsæter.

Magnus f.1760

I 1761 selde Peder Halvorsen sin halvdel av søndre Sandbu 1 hud 6 skinn med skjøte til Tosten Iversen Håkenstad.

Året etter i 1762 selde og skjøta Torsten Håkenstad halve delen av søndre Sandbu 1 ½ hud til Erik Gulbrandsen Aasen for 1000 rd. Da Erik Gulbrandsen døyde i 1786 vart han nemnd som Sandbu, og ved skifte vart det nemnd jordgods i garden. Erik Gulbrandsen Aasen var gift med Marit Jakobsdotter, dei hadde 8 barn:

Gudbrand 1737-1766

Marit f.1739, ugift i 1786

Ole f.1743

Jakob f.1745

Sigri f.1745, g.m. Ole Andersen

Hans f.1748, g.1776 m. Anne Knutsdtr. Øy f.1746

Jon f.1750, neste brukar

Kari f.1753, på Sandbu i 1801

I panteregisteret står det at i 1787 var det skjøte på Sandbu 1 ½ hud frå bl.a. Tord Kleppe til Jon Eriksen for 600 rd., dvs. at dei andre kreditorane og ervingane selde garden til Jon Eiriksen. Enkja Marit Jakobsdotter fekk føderåd.

Jon Erichsen f.ca.1750 d.1815 var i 1801 gardbrukar. Jon vart 1790 gift med Anne Olsdotter Austrem f.ca.1764 d.1815 dotter til Ole Olsen Leine/Teige, Kvam 1726-1801 og Lisbeth Nilsdtr. Bjørge 1736-1813 som i 1776 kjøpte nordistugu Austrem. Ole Olsen Leine fekk i 1759 skjøte frå faren Ole Pedersen Leine på 5 skinn og nokre fettingar i Sandbu, men det er

usikker sammenheng med det som dottera og svigersonen overtok i 1787. Jon og Anne hadde 9 barn:

Erik 1791-1809

Ole f.ca.1792, neste brukar

Marit f.1794

Iver f.1795

Kari f.1798

Gulbrand f.ca.1800

Hans f.1803

Anne f.1806

Mari f.1808

I 1815 var det skjøte på Sandbu 1 ½ hud frå Jon Eriksen til sonen Ole Jonsen for 1000 rbd. Ole vart 1816 gift med Ragnhild Trondsdotter Vamsæter, Lom f.ca.1789 dotter til Trond Gundersen og Randi Pedersdr. Gaukstad/Vamsæter. Ole og Ragnhild kom til søre Veggum, dei hadde 4 barn:

Per f.1819

Anne f.1820, g.m. Kristen Olsen Mæhlum f.ca.1800. På Veggum

Ragnhild f.1823, g.m. Peder Torgersen Heringstad f.ca.1804 d.1875

Marit f.1827, g.m. Hans Knutsen Stade n. 1825-1865

I 1820 var det skjøte frå Ole Jonsen til Amund Olsen på Sandbu 1 ½ hud mot garden Veggum. Amund Olsen Aande, Sør-Fron f.ca.1766 d.1851 var gift med Mari Hansdotter (Amundsdotter?) f.ca.1779 d.1860, dei hadde truleg 4 barn:

Ole f.ca.1810, d.før 1865, på Sandbu

Anne

Hans f.1814

Marit f.1818, g.m. Syver Jonsen Strand f.ca.1811

I 1832 var det skjøte på Sandbu frå Amund Olsen til premierløytnant Ziegler. Amund Olsen og Mari Amundsdotter fekk føderåd. Ole og Hans Amundssønner og Marit og Anne Amundsdøtre fekk pant for kapital på 1000 spd. I 1839 vart Ole og kona nemnde som gardsfolk, kanskje dreiv dei garden ei tid etter at den kom saman med nordgard. Ole Amundsen vart 1835 gift med Ymbjør Andersdotter Sve f.1812 dotter til Anders Iversen Blessom s. 1751-1833 og Kari Torsdr. Harildstad 1766-1862 (Kari fyrst gift med Syver Sve). Ymbjør var i 1865 husmann på Ryenhaugen og budde der saman med sonen. Ole og Ymbjør hadde 3 barn:

Mari f.1835 d.etter 1891, g.m. Reidar Lundh 1829-1888. Til Aagotøyen i Vågåmo.

Kari f.1837

Amund f.1838

Ulrich Reinholdt Ziegler 1791-1854 var son til Henrich Ziegler og Dorthea Blix Heiberg. Ziegler var i Vågske kompani frå ca.1819 til ca. 1837. Ziegler kjøpte Sundlien av svigerfaren i 1831, den garden selde han i 1836. Ziegler vart 1819 gift med Cristine Margrethe



Bjerregaard 1797-1882 dotter til Mads Bjerregaard 1761-1831 og Alet Ørtlein f.ca.1761 d.1846. Ulrich Ziegler og Cristine hadde 6 barn:

Jacobine f.1819

Mads Henrik Bjerregaard f.1821

Niels Albert f.1825

Alethe Dorothea f.1828

Henrik f.1831

Hermana Henriette f.1835

I 1836 var det skjøte på Sandbu 1 ½ hud frå kaptein Ziegler til Johannes Jakobsen Sandbu nordgard for kjøpesum 2100 spd. Dermed vart det same eigar på Sandbu sygard uppistugu som på nordgard Sandbu, og gardane vart dermed samanslege.

Kjelder:

Opplandsarkivet Vågå: familieark, avskrifter pantebøker mm.

Digitalarkivet: panteregister, folketeljinger mm.

Synnøve Teigen Solbakk, Gåmålt og nytt frå Sel, 2005: Folket i Veggumsgrenda

Jakup Skjedsvoll: internplassing av opplysningar for Sandbu-gardar 1666-ca.1800



*Nordgard og oppigard Nord-Sandbu*



*Nordgard Sandbu*

## **Sandbu nordgard nord**

Mnr./Lnr (16/22a), 18/24. Gnr. 18 bnr. 1.

Skattelister 1610-1625 viser Hårek som brukar på ein av Sandbusgardane. Han vart også nemnd i 1629 og 1632 som overlappar neste brukar.

Koppskatten 1645 nemnde Guttorm som brukar. Han vart nemnd i landskattelister frå 1629 til 1648.

Guldbrand er nemnd i skattelister frå 1649.

Sjugurd Sjugurdson leigde i 1659-1660 ein gard Sandbu 3 huder som Gulbrand hade døydd frå. Dette var truleg Sjugurd som vart gift med enkja på sygard Sandbu, men truleg var han på nordgard fyrst for enkja betalte sjølv leige og skatt av sygard same året.

Manntalet 1666 viser at nordgard Nord-Sandbu var på 3 huder. Brukaren var Ole Olsen f.ca.1620, det var han som betalte landskylda i 1661. Matrikkelen 1668 viser at eigaren var fru Maren Skachtaffls. I 1673 vart Ole stemnd for landskyld av Ivar Olsen Lunde og i 1675 vart Ole frådømd festet. Ole Olsen var gift med Ingeborg Knutsdotter, dei hadde 2 sønner:

Jens f.ca.1644

Knut f.ca.1663

Ivar d.y. Lunde nig. d.1688 var son til Ole Toresen Lunde f.1596 d.1675 og Mari Ivarsdtr. Sandbu u. sør f.ca.1605 d.før 1688. Ivar var gift med Gunhild Ivarsdotter Sandbu u.nord d.etter 1688, dotter til Iver Toresen og Mari Johannesdtr. Ivar og Gunhild hadde 1 barn:  
Ole f.ca.1670 d.e.1744, neste brukar



*Dør på mellomalderloftet på nordgard Sandbu*

Ole var gift med Kari Tordsdotter Bjølstad f.ca.1677 d.1719 dotter til Tord Tordsen Bjølstad 1625-1680 og Barbro Amundsdotter Sandbu nig. sør. f.1645 d.ca.1692. Skoskatten 1711 viser

at Ole hadde 5 barn. Ved skifte etter Kari i 1719 går det fram at Ole og Kari hadde 3 barn (Ivar, Mari, Marit), medan skifte i 1744 viser 7 barn:

Ivar f.1702 d.1782 d.1782, neste brukar  
Mari f.ca.1704, g.m. Jon Ivarsen Fellese f.1701. På sygard Sandbu  
Marit f.1715 d.etter 1801, seinare brukar  
Tord, g.m. Kari Knutsdtr. Til nigard Svare.  
Tore, g.m. Engelev Iversdtr. Siem 1713-1760  
Barbro, g.m. Ola Knutsen Storvik s. f.før 1713  
Gunhild, ugift i 1744

Ivar Olsen f.1702 d.ca.1782 vart 1732 gift med Sigrd Persdotter Faukstad s. dotter til Per Steinarsen Faukstad søre f.ca.1670 d.1719 og Marit Ivarsdtr. Kvålen, Skåbu 1687-1744. Ved skifte etter faren i 1744 går det fram at Ivar Olsen tidlegare hadde overteke bruken av Sandbu 3 huder. Ca. 1745 ser det ut til at Ivar kjøpte arvepartar frå syskjena. Det ser ut til at Ivar kjøpte Åseng i 1748, der faren tidlegare hadde vore og før han svogeren Jon Sandbu syg. nist. I 1753 lyste Iver Olsen ut at han hadde åsætesrett til Åseng, men i 1767 selde han Åseng. Ivar og Sigrd hadde 4 barn:

Ole, seinare brukar. Åseng.  
Iver f.1739, seinare eigar. Til Klones.  
Marit f.1744  
Johannes f.1746

Østen Svare kjøpte Sandbu 3 huder i 1748 for 1000 rd. av svogeren Ivar Olsen. Østen Syversen f.1707 må vera frå Berge u, son til Syver Nilsen Berge f.ca.1665 d.1720 og Anne Østensdtr. Kvarberg f.ca.1680 d.1769. Østen var ei tid på nigard Svare og i 1756 kjøpte han sygard Sandnes. Østen var gift med Marit Sandbu f.1715, syster til Ivar Olsen. Østen og Marit hadde 3 barn:

Syver, g.m. Kari Olsdtr. Sandbu upp sør d.1804. På Sandnes s.  
Anne, g.m. Peder Jonsen Sandnes n.  
Ole, til Skjedsvold

I 1762 ser det ut til at eldste sonen til Ivar Olsen, Ole Iversen har vore brukar av Sandbu. Ved skifte i 1791 vart han nemnd som Åseng. Ole Iversen vart 1863 gift med Marit Knutsdotter, dei hadde 6 barn:

Rønnaug f.1863, g.m. Lars Knutsen Stokstad  
Kari f.1765  
Iver f.ca.1769  
Knut f.1770  
Ole f.1776  
Gunild 1779-1790

I 1764 lånte Ivar Olsen 1000 rd. av Sjugurd Jonsen på Sve for å løyse inn att garden som han hadde seld til Østen Sandnes (tidl. Svare), og den gardhandelen vart gjennomført i 1765.

I 1767 selde Ivar Olsen garden sin Sandbu til sonen Ivar Iversen Klonen for 1000 rd. som skulle løyse inn farens panteobligasjon. Ivar Iversen lånte da 2100 rd. frå Sjugurd Jonsen på Sve som truleg også vart brukt til å løyse ut broren Ole Iversen for 1400 rd. for odels- og åsætesretten på farsgarden. Ivar Iversen vart 1764 gift med Barbro Larsdotter Hjeltar d.ca.1771. Barbro var tidlegare gift med Svend Olsen Klonen d.ca.1758, og dermed vart Ivar Iversen brukar på Klonen. Barbro hadde med Svend Klonen 1 barn:

Eli f.ca.1754

I 1770 selde Ivar Ivarsen garden nördre Sandbu 3 huder til Sjugurd Jonsen på Sve med skjøte for 2420 rd. Syver Jonsen Einarsvoll f.ca.1710 d.1795 var son til Jon Johannessen Einarsvoll 1665-1754 og Torø Rasmusdr. Steinsgård f.ca.1675 d.1744. Syver var gift med Gunhild Johannesdotter Sve f.ca.1722 d.1786 dotter til Johannes Svendsen Mo f.ca.1673 d.1754 og Rønnaug Johannesdr. Sve d.1735. Gunhild og Syver budde på Sve, dei hadde 4 barn:

Johannes 1739-1773, g.m. Anne Rasmusdr. Glimsdal 1739-1776. På Sve.

Torø f.1741 d.etter 1801, g.m. Jon Rasmussen Glimsdal/Øy f.ca.1727 d.etter 1801

Rønnaug f.1750, g.m. Jon Iversen Blessum s f.1747

Anne 1754-1845, neste brukar

I 1778 var det skjøte på Sandbu 3 huder frå Syver Jonsen til svigersonen klokkar Jakob Danielsen for 1690 rd. Jakob Danielsen 1749-1815 var i 1801 klokkar og gardbrukar. Jakob var son til Daniel Jakobsen Berge n. og Kari Pedersdr. Jakob vart 1777 gift med Anne Syversdotter Sve 1754-1845 dotter til Syver Jonsen Enersvoll f.ca.1710 d.1795 og Gunhild Johannesdr. Sve 1722-1786. Jakob og Anne hadde 5 barn:

Gunhild 1778-1779

Kari 1779-1867, g.m. John Iversen Valde s. f.1786/87 d.1866

Gunhild 1781-1842, g.m. Ola Guttormsen Sandbu u-s 1751-1831

Johannes 1783-1870, neste brukar

Rønnaug f.1793, g.m. Guttorm Kristensen Aasaaren 1791-1850

Johannes fekk i 1807 skjøte frå Jakob Danielsen på Sandbu 3 huder for 800 rd. Johannes var gift med Mari Pålsdotter Bjørnstad n. 1792-1876, dotter til Pål Kristensen Bjørnstad 1750-1831 og Guri Guttormsdr. Aasaaren 1772-1857. Johannes og Mari hadde 1 barn:

Jakob 1811-1873, neste brukar

Tinglysing av oantebrev i 1868 og obligasjon i 1871 viser Jakob Johannesen som eigar. Jakob vart 1843 gift med Ingeborg Johannesdotter Viste nordgard 1821-1900 dotter til Johannes Hansen Viste 1789-1858 og Gunhild Øysteinsdr. Kvarberg u. 1797-1883. I 1875 var det enkja som stod som brukar og eigar, og i 1891 vart ho nemnd som familiens overhovud. Jakob og Ingeborg hadde 7 barn:

Mari 1845-1919, hadde med Torstein Andersen Sandbu nig. sør 1832-1891 dottera Guri 1864-1928 g.m. Hans Kjenseth, Biri 1860-1930

Johannes 1847-1925, ugift

Gunhild 1850-1926, g.m. lærar Torstein Hansen Øiom, Dovre 1850-1888

Ymbjør f.1852

Pål f.1854, til USA i 1879  
Øystein f.1856, til USA i 1879  
Johannes 1864-1932, neste brukar

I 1910 var det auksjonsskjøte til Johannes J. Sandbu d.y. for kr 10000,-. I 1900 vart Johannes nemnd som gardbrukar, handelskar og driftehandlar. Johannes vart 1897 gift med Ymbjørg Stenersdotter Storvik m. 1873-1943 dotter til Stener Johnsnessen Sveine 1812-1873 og Anne Jørgensdtr. Sveine 1835-1911. Johannes og Ymbjørg hadde 7 barn:

Ymbjørg 1898-1982, g.m. Paul Diesen 1889-1960  
Anne f.1900, g.m. Simen Amundsen Thallaug f.1904  
Marit 1901-1996, g.m. Harald Eriksen Bjørndal 1890-1980  
Jakob 1903-1974, neste brukar  
Steinar f.1907, g.m. Mari Eriksdtr. Kvarberg u. f.1922  
Gunhild f.1909  
Ingrid f.1917, g.m. Andreas Hansen

I 1933 var det auksjonsskjøte til Jakob J. Sandbu for kr 32000,-. Jakob vart 1948 gift med Tora Alette Sandvik f.1915, dei hadde 3 barn:

Johannes f.1949, neste brukar  
Alette f.1952, g.m. Inge Brenden  
Torbjørn f.1955, g.m. Jorun Berger

Johannes overtok etter faren i 1974.

**Krokum** gnr. 18 bnr. 4 vart i 1909 frådelt frå nordgard Sandbu gnr. 18 bnr. 1 med skjøte i 1910 frå Johannes J Sandbu til lensmann Jo Nordal for kr 4250.

**Sveaholen** del VII gnr. 18 bnr. 12 vart frådelt frå Krokum i 1979 og samanføynd med gnr. 20 bnr. 17 i 1980.

**Rabben** gnr. 18 bnr. 7 (Sveaholvegen 1) vart frådelt deå Krokum i 1956 med skjøte frå Ola Nordahl til Rolf Steberg f.1890. I 1962 var det skjøte frå R Steberg til Ola Skamsar 1929-1991, Ragnhild Skamsar overtok ved uskifta bu.

**Krokjorget** 1, 2, 3, 4, 5, 6, 7 og 8, gnr. 18 bnr. 15, 16, 17, 18, 19, 20, 21 og 22 er frådelt frå krokum og utbygd i nyare tid.

Kjelder:

Pål Øystein Kvarberg, 2000: Slektar i Vågå og Lom, slekten på Einarsvoll og øvre Kvarberg  
Norske gardsbruk 1953-1997  
Opplandsarkivet Vågå: familieark, avskrifter pantebøker mm.  
Digitalarkivet: panteregister, folketeljingar mm.  
Jakup Skjedsvoll: internplassering av opplysningar for Sandbu-gardar 1666-ca.1800  
Ola Magne Svare: Skogbygda gardshistorie





*Uppigard Nord-Sandbu*

## **Sandbu, oppigard nord**

Mnr./Lnr. 17/23. Gnr. 19 bnr.1.

Skattelister 1610-1625 viser Tore som brukar på ein av Sandbusgardane. Han vart også nemnd i koppskatten 1645.

Mannntalet 1666 viser at nördre Sandbu var på 4 huder. I tillegg var det ein engeplass på 1 hud, dette var truleg Sandbugarden i Skårvangen. Matrikkelen 1668 og kyrkjerekneskapen 1675 viser at det var Vågå kyrkje som var eigar av 4 huder. Brukar i 1666 og 1668 var Iver Toresen. Ivar Toresen Sandbu 1603-1679 var gift med Mari Johannesdotter d.etter 1679. Dei hadde 4 barn:

Johannes f.ca.1650 d.ca.1712, neste brukar

Gunhild, d.etter 1688, g.m. Ivar d.y. Lunde nig. d.1688. Til nordgard Sandbu.

Ragnhild, d.etter 1697, g.m. Ola Larsen Raastad f.før 1649 d.1691  
Per f.ca.1653, til Holen

Johannes d.ca.1712 var gift med Kari Olsdr. Lunde nig. d.1691, dotter til Ole Toresen Lunde 1596-1675 og Marit Ivarsdr. Sandbu u. sør f.ca.1605 d.før 1668. I 1681 kjøpte Johannes 1 hud i Skårvangen frå rittm. Brockdorf. som truleg var den egedommen som vart nemnd under Sandbu i 1666. Johannes og Kari hadde 4 barn:

Iver, neste brukar

Ole

Iver d.ca.1727, g.m. Anne Hansdr. Kvarberg n. 1695-1772. På Kvarberg.

Marit, g.m. Erik Øysteinsen Kvarberg ø 1674-1751

Johannes vart gift på nytt med Anne Pedersdotter.

Iver kjøpte i 1724 oppigard Nord-Sandbu av eigarane av Vågå kyrkjegods. Iver var gift med Marit Larsdr. d.1757, dei hadde 2 barn:

Kari f.ca.1716 d.1746, g.m. Iver Olsen Lunde nig. f.ca.1707 d.1752

Ole f.ca.1737

I 1757 bygsla Ole Jonsen Stranden garden oppigard nordre Sandbu for fem år for 28 rd. årleg.

Iver Iversen 1739-1819 var i 1801 gardbrukar, han vart også nemnd som brukar i 1783. Iver var frå nigard Lunde son til Ivar Olsen Lunde f.ca.1707 d.1752 og Kari Ivarsdr. Sandbu f.ca.1716 d.1746. Iver Iversen var dermed barnebarn til Iver Johannessen Sandbu. Ivar var eigar i 1757 da formyndarane hans bygsla bort garden for fem år. Etter avtala om bortbygslinga skulle bestefaren Iver Johansen føderåd. Iver Lunde vart 1768 gift med Kari Knutsdotter Øy 1746-1822 dotter til Knut Poulsen Tolstad 1697-1760 og Rønnaug Ivarsdr. Øy f.1706. Iver og Kari hadde 5 barn:

Iver 1769-1847, neste brukar

Knut 1771-1832, g.m. Torø Olsdr.

Kari 1774-1812

Ole 1779-1807

Iver 1785-1812

I 1802 var det skjøte på Sandbu 5 huder frå Iver Iversen til Iver Iversen for 3661 rd. Iver vart 1802 gift med Torø Larsdotter Øy Haugøy f.ca.1773 d.1863 dotter til Lars Johannesen Øy f.ca.1715 d.1802 og Aaste Tjøstolvsdr. Kleppe s. f.ca.1731 d.1802. Da Iver døydde i 1847 var han husmann på Sæta, og Torø var føderådskone på Sæta da ho døydde i 1863. Ved barnefødsel i 1816 var dei på nördre Blessomeige som også kan vera Sæta. Iver og Torø hadde 3 barn:

Kari 1802-1856, g.m. Jon Eriksen Sveeie f.1798

Johannes f.1804

Aaste f.1816

I 1805 var det skjøte på Sandbu frå Iver Iversen til Paul Paulsen for 4267 rd. Poul Poulsen Tolstad 1764-1847 var son til Pål Hansen Tolstad 1736-1812 og Mari Pålsdtr. Tofte 1733-1804. Pål var gift med Rønnaug Eriksdotter Blessom n. 1759-1847 dotter til Erik Olsen Blessom og Mari Olsdtr. Sandbu u-sør f.ca.1727 d.før 1801. Poul og Rønnaug overtok Blessom i 1786 og hadde 5 barn:

Marit 1785-1846, g.m. Tor Hansen Lie, Dovre 1781-1833

Mari 1791-1846, g.m. Johannes Jonsen Mo 1787-1869

Erik 1794-1872, g.m. Imbjør Eriksdtr. Helle 1799-1877. På Blessom n.

Poul 1794-1873, neste brukar

Barbro 1795-1869, g.m. Hans Olsen Øy ø 1784-1875. Gardsøy.

I 1807 var det skjøte på Skårvangen engeland 1 hud (Sandbusgarden) frå Poul Poulsen til sorenskrivar Bjerregaard for 500 rd. I 1814 var det skjøte vidare til Jakob Pedersen for 500 rd.

I 1824 vart det tinglyst føderåd frå Poul Poulsen til Poul Poulsen og hustru. Poul Poulsen 1794-1873 vart 1826 gift med Barbro Trondsdotter Valbjør 1793-1878 dotter til Trond Larsen Valbjør 1749-1807 og Barbro Pålsdtr. Tolstad 1755-1807. Poul og Barbro hadde 3 barn:

Poul 1827-1874, neste brukar

Barbro f.1830 d.etter 1910, seinare brukar

Thron 1832-1834

Paul Paulsen f.1827 var i 1865 gardbrukar og sjølveigar, han overtok med skjøte i 1863 for 1000 spd. og føderåd.

Barbro Paulsdotter var i 1875 brukar og eigar, som einaste syskjen må ho ha overteke da broren døydde i 1874.

I 1881 var det skjøte frå Barbro Paulsdotter Sandbu til Thor Eriksen Blessom for kr 12000,- og føderåd. Det vart samtidig skrivi ut ein panteobligasjon på kr 8000,- frå Thor Blessom til Barbro Sandbu. Thor Blessom f.1834 d. etter 1901 var syskjenbarnet til Barbro, han var son til Erik Polseb Blessom n. 1794-1872 og Imbjør Eriksdtr. Helle 1799-1877. I 1887 var det skifte i konkursbuet til Thor Blessom, og truleg gjorde panteobligasjonen at Barbro overtok Sandbu att. I 1900 budde den ugifte Thor Blessom saman med systema Rønnaug på nørdrø Sæta.

I 1903 var det skjøte på Sandbu frå Barbro Paulsdotter, vedteke av Thor S Blesum, til Anders Isaksen Bakken for kr 14000. Anders Isaksen Karusbakken f.1864 var son til Isak Rasmussen Karusbakken f.1830 og Barbro Svendsdtr. f.1830. Anders budde i 1903 på Sandbu oppigard nord og var eigar av den garden i 1908 og 1909, dermed brukte han namnet Sandbu. Anders var gift med Barbro Pedersdotter f.1872 frå Lom, dei tre eldste barna var fødte i Amerika. Anders Sandbu kjøpte i 1909 nordgard Blessom. Anders og Barbro hadde 5 barn:

Bella f.1897

Klara 1898-1913

Ingval f.1900

Selma f.1903

Peder f.1906

I 1909 var det skjøte frå Anders I Sandbu til Jonas Løftingsmo for kr 11400,- og føderåd til Barbro Paulsdotter. Jonas Løftingsmo, Lesja f.1873 var gift med Marit Eriksdotter Stavheim, Lesja f.1871. Dei to eldste barna var fødde medan familien var på Lesja, dei fire neste i Ringsaker i åra 1904-1907. Etter Vågå var Jonas og Marit gardbrukarar på øvre Lyftingsmo på Lesja. Jonas og Marit hadde 9 barn:

Johan 1900-1980, g.m. Olga Breigutu 1903-1967, på Lyftingsmo

Ragnhild f.1902

Erling f.1904

Olaug f.1905

Trygve f.1906

Aagot f.1907

Asbjørn f.1911

Kirsti f.1914

Jo f.1917

I 1919 var det skjøte frå Jonas Løftingsmo til Margit Bosse som hennar særeige for kr 51000,- inkl. lausøyre kr 1000. Margit Bosse overtok i 1919 også nigard Sør-Sandbu og gardane vart dermed samanslege. I 1920 vart Villarunningen gnr. 19 bnr. 6 frådelt, likeeins vart frådelt eit jordstykke med ein bygning som vart overført til nigard Sandbu.

I 1920 var det skjøte på oppigard Nord-Sandbu frå Margit Bosse til skipsreder Fred Olsen for kr 35000,-. Olsen kjøpte også nigard Sør-Sandbu.

**Krokum** gnr. 19 bnr. 2 vart i 1902 frådelt frå Sandbu oppigard-nord gnr. 19 bnr. 1 med skjøte i 1907 frå Barbro Paulsdotter til Anders Olsen Sørumsaugen for kr 2100.

**Sveaholen** del VIII gnr. 19 bnr. 10 vart frådelt frå Krokum i 1979 og samanføyd med gnr. 20 bnr. 17 i 1980.

Jordvegen gnr. 19 bnr. 18 vart frådelt frå Krokum i 2009 og overført til eigaren av Kræmar-Sandbu Steinar Aasgaard i 2022.

Tomtene gnr. 19 bnr. 19 og 20 **Vågåvegen 3A og 3 B** vart frådelt frå Krokum i 2010 og 2011 og utbygde etter dette.

Kjelder:

Pål Øystein Kvarberg, 2000: Slekter i Vågå og Lom, slekten på nigard Lunde

Opplandsarkivet Vågå: familieark, avskrifter pantebøker mm.

Digitalarkivet: panteregister, folketeljinger mm.

Jakup Skjedsvoll: internplassing av opplysningar for Sandbu-gardar 1666-ca.1800

Norske gardsbruk 1953-1997